

文翰大成

七十六之八

五言絕句  
六言絕句

自宋至明  
自晉至明

漢書門類	三七四一號
函	四三
架	四
冊	一〇〇

內閣文庫	漢書類
三七四一號	函
四	架
二〇	冊

內閣文庫	
番號	漢 3741
冊數	100( 48)
函號	362 68



文翰類選大成卷第七十六五言絕句

目錄

總當 二首 范希文十四首 主琪 一首 歐陽永叔 一首

梅聖俞 二首 王介甫 六首 邵堯夫 一首 蘇子瞻 三首

蘇子由 四首 黃魯直 計三首 張少愚 一首 楊公濟 一首

張芸叟 一首 陳無已 三首 崔德符 二首 汪信民 一首

賀方回 二首 劉潛夫 一首 郭功甫 二首 朱仲晦 五首

陳去非 二首 王子端 一首 趙周臣 一首 李平甫 一首

僧惠洪 一首 張吉甫 二首 梁良輔 一首 趙廷玉 一首

茂實 一首 虞質夫 一首 高崑甫 一首 姚仲純 三首

趙子昂 四首 楊漢然 二十首 劉夢吉 六首 盧處道 一首



吳幼清二首 賀復孫一首 安熙一首 王結六首  
馬伯庸一首 何得之二首 李繼本二首 劉聲之五首  
范德機二首 虞伯生計六首 方景山十首 揭希常五首  
揭曼碩八首 傅與礪二首 黃伯暘四首 黃子鼎十首  
薩天錫五首 楊顯民一首 張士敬一首 程子正二首  
毛靜可二首 彭炳四首 陳雲嶠一首 吳立夫一首  
丁元德一首 丁鶴年四首 葉景南三首

文翰類選大成卷第七十六五言絕句目錄

文翰類選大成卷第七十六

左長史上海李伯璵編輯

伴 讀慈谿馮厚校正

詩類五言絕句

宋

松江夜泊

鮑當

舟閑人已息 林際月微明 一片清江水中涵 萬古情

孤鴈

寒多稻糧少 萬里孤難進 不惜充君庖 為帶邊庭信

江上漁者

范希文

江上往來人 但愛鱸魚美 君看一葉舟 出沒風波裏

淮上遇風

一棹危於葉傍觀亦損神他時在平地無忽險中人

出守桐廬道中十首

隴上帶經人金門齒諫臣雷霆日有犯始可報君親  
君恩泰山重爾命鴻毛輕一意懼千古敢懷妻子榮  
妻子屢牽衣出門投禍機寧知白日照猶得虎符歸  
分符江外去人笑似騷人不道鱸魚美還堪養病身  
有病甘長廢無機苦直言江山藏拙好何敢望天關  
天閭變化地所好必真龍軻意正迂闊悠然輕萬鍾  
萬鍾誰不慕意氣滿堂金必若枉此道傷哉非素心  
素心愛雲水此日東南行笑解塵纓處滄浪無限清  
滄浪清可愛白鳥鑑中飛不信有京洛風塵化客衣  
風塵日以遠郡枕子陵溪始見神龜樂優優尾在泥

十四夜月

天意將圓夜人心待滿時已知千里共猶訝一分虧

蚊

飽去櫻桃重飢來柳絮輕但知求旦暮休更問前程

無絃琴

寂寞之淳音其為樂至深應嫌鼓腹者猶是撫絃琴

遠山

山色無遠近看山終日行峯巒隨處改行客不知名

夏夜小亭有懷

西南雨氣濃林上昏月色寒影不隨人寥寥空露白

寒草

寒草絕變枯陳根已含綠始知天地仁誰道風霜酷

芳草

王介甫

芳草知誰種綠階已數叢無心與時競何苦綠葱

送呂望之赴臨江

黃雀有頭顱長行萬里餘想因君出守暫得免苞苴

紅梅

春半花纔發多應不柰寒北人初未識渾作杏花看

梅花

墻角一枝梅凌寒獨自開遙知不是雪為有暗香來

溝港

溝港重重柳山坡處處梅小興穿麥過狹徑礙桑回

小舫

爰此江邊好泊船至日斜眠分黃犢草坐占白鷗沙

歲寒

邵堯夫

松栢入冬看方能見歲寒声須風裏聽色更雪中殘

廬山三首

蘇子瞻

青山若無素嫵蹇不相親要識庐山面他年是故人

自寺懷清賞神游杳靄間如今不是夢真个到庐山

芒鞋青竹杖自掛百錢游頗怪深山裏人人識故侯

讀史

蘇子由

江河浪如屋要須滄海容可憐狄仁傑猶復負婁公

遺老齋三首

久無叩門聲啄啄問何故田中有人至昨夜盈尺雨

避事已謝客養性不看書書中多感遇掩卷輒長吁

人言里中舊獨有陳太立文若命世人惜哉憂人憂

戲詠暖足瓶二首

黃魯直

小姬暖足臥或能起心兵千金買脚婆夜夜睡天明  
脚婆元不食纏裹一衲足天明更傾瀉頰面有餘燠

報賈天錫以寶熏見惠乞詩

險心游萬仞躁欲生五兵隱几香一炷靈臺湛空明

陪謝師厚遊百花洲槃礴范文正公祠下道平墨哭

謝安事因讀生存華屋處零落歸山立為韻

憶在昭陵日傾心用老成功歸仁祖廟政得一書生

羊生但着鞭勿哭西州門故有不亡者南山相與存

慶州自不惡籍甚載聲華忠義可無憾公今有世家

公歸未百年鶴巢荒古屋我吟殄瘁詩悲風韻高木

傷心祠下亭在時公熱處臨水不相猜江鷗會入語

公有一盃酒與人同醉醒遺民能記憶欲語涕飄零

委徑問謠俗高立省佃作昔遊非苟然今花幾開落

在昔實方納成功見圓機九原尚交心白首要同歸

人去洲渚在春回花草班清談值淵對發興如江山

落日衙城壁祠東更一遊悲來惜酒少安得董糟丘

蠶婦

張少愚

昨日到城郭歸來淚滿巾遍身綺羅者不是養蠶人

秦王纜船石

楊公濟

色陰長帶雨疑是白雲根欲問東廵事今猶不敢言

紈扇

張芸叟

紈扇本招風曾將熱時用秋來掛壁上却被風吹動

鴈

陳無己

來往遠寒暑飛鳴在稻梁未知溟海大不肯過衡陽

次韻秦少游春江秋野圖二首

翰墨功名裏江山富貴人倏看雙鳥下已負百年身  
江清風偃木霜落鴈橫空若箇丹青裏猶須着此翁

春日

崔德符

落日不可盡丹林紫谷開明明遠色裏歷歷暝鴉回

題績溪雪峯樓

題詩最高處不為付人看記着今朝勝山明松雪寒

巖暮書堂

汪信民

霜重堦鋪紈風凜肌生粟心莊耳目清思慮無由俗

長安在何許二首

賀方回

長安在何許疑在青天上橋南朔西風浮雲斷人望

長安在何許疑在白日下裴徊天一隅華月生新夜

木蘭詩

劉潛夫

出塞男兒勇還鄉女子身尚能降北虜斷不慕東鄰

山寺老僧

郭功甫

逢人寂無語結草日棲禪但見曇花笑龐眉不記年

西村

遠近皆僧刹西村八九家得魚無賣處沽酒入蘆花

和劉德明以夏雲多奇峯為韻

朱仲晦

出山幾何時歸來便長夏端若心不怡散策長林下  
為客厭城市還家辭世紛朝昏何所見但有四山雲  
閉門事幽討歲月忽已多客來無可問與君共絃歌  
干時本已懶曾次况亡奇若問林中趣凌凌祇自知

炎蒸不可奈雲氣滿前峰向夕風吹盡微聞遠寺鐘

感事

陳去非

風斷黃龍府雲移白鷺洲菊花紛四野作意為誰秋

題池亭

聊將雨逢鬢起照千丈鏡微波喜橋人小立待其定

憶澗川

王子端

極目江湖雨連陰甲子秋青燈十年夢白髮一扁舟

即山為耳峯

趙周臣

房駟落人間入石露雙碧月明聞夜嘶驚落山頭石

江村

李平甫

陸地無根客江村有髮僧兩盂殘喘粥一寸苦吟燈

無題

僧惠洪

人生如逆旅歲月苦逼催安知賢與愚同作土一抔

雜詩二首

張吉甫

瓦餅檐山泉石鼎煮巖菊燎以松桂枝清芬滿茅屋

踏雪尋梅花雪梅同一色不是暗香來梅花尋不得

江天暮雪圖

梁良輔名仲新朝城許州錄事

南雪不到地霏霏滿竹樓沙河燈市裏春在木綿裘

弔同年楊禮部之美

趙廷玉

海內文章選人中道德師爭教衰病足不到鳳凰池

題扇頭

王茂實名利實襄城人

輕紗畫竹雀柄短不盈握暑氣正憑陵清風一何颯

雪花

虞質夫

名仲文武州寧遠人平章政事

瓊英與玉葉片片落前池問着花來處東君也不知



雨後

高崑甫

名汝礪應州金城人丞相壽國公

時雨雨三日田家家萬金有年天子慶憂國老臣心

芍藥

姚仲純

綠萼挾風瘦紅苞浥露肥只愁春夢斷化作彩雲飛

芭蕉

鳳翅搖寒碧虛庭暑不侵何因有恨事常抱未舒心

蜀葵

傾心知向日布葉鮮承陰空側黃金盞誰人與對斟

元

題孫安之松楸圖

趙子昂

墳墓在萬里宦遊今五年誰人無父母掩卷一潸然

過牧廢苑

一片中原地幾處青燐骨不識前朝與後朝

題萱草蛺蝶圖

藜竹無端綠幽花特地妍飛來雙蛺蝶相對意悠然

寄題真定明遠亭

未到新亭上先題明遠詩雲間歸鴈小山外夕陽遲

錄梁宮人語十九首

楊煥然

一入深宮裏經今十五年長因批帖子呼到御床前

歲歲逢元夜金蛾鬧簇巾見人心自怯終是女兒身

殿前輪直罷偷去賭金釵怕見黃昏月殷勤上玉階

翠翹珠擗背小殿夜藏鈎驀地羊車至低頭笑不休

內府頒金帛教酬賀節盤兩宮新有旨先與問孤寒

人間多棗栗不到九重天長被黃衫吏花攤月賜錢

仁聖生辰節君王進玉卮壽棚兼壽表留待北還時  
邊奏行臺急東華夜啓封內人催步輦不候景陽鍾  
畫燭雙雙引珠簾一一開輦前齊下拜歡飲辟寒盃  
聖躬香閣內只道下朝遲扶杖嬌無力紅綃貼玉肌  
今日天顏喜東朝內宴開外邊農事動詔遣教坊回  
駕前雙白鶴日日候朝回自送鑾輿去經年更不來  
陡覺文書靜相將立夕陽傷心寧福位無復夜薰香  
二后睢陽去潛心泣到明却回誰敢問校似有心情  
為道圍城久粧奩鬪犒軍入春渾斷絕飢苦不堪聞  
監國推梁郎初頭靜不知但疑牆外笑入有看官時  
別殿弓刀響倉黃接鄭王尚愁宮正怒含淚強添粧  
一向傳宣喚誰知不復還來時舊信針線記得在窓間

北去遷沙漠誠心畏從行不如當日死頭白若為生

酬昭君怨

玉貌辭金闕貂裘擁繡鞍將軍休出戰塞上雪偏寒

春日

劉夢吉

游絲困無力欲起重悠揚芳草落花滿相思春晝長

石鼎聯句圖

玩世如一鼎姓名誰得聞仙翁應自笑知我有鄙訥

螻蛄

後利前還溢陰陽體段分不須觀兔尾即此見羲文

薔薇

色染女貞黃露凝天水碧花間日月長朝暮閱兩國

溪橋步月圖

山中有幽人獨步溪橋月莫問興如何披畝亦清絕

史慶士挽章

平昔未相識幾回曾寄聲今朝聞謝世便有故人情

采薇圖

服藥求長年孰與孤竹子一食西山薇萬古猶不死

盧處道

題張尹書巢二首

食息不離書令尹非蠹魚騰身出巢外編簡不如吾

吳幼清

醢雞甕裏天露蟬殼外身此巢何處着六合一微塵

題江州庾樓

宿鳥歸天盡浮雲薄暮開淮山青數點不肯過江來

賀復孫

錢選宮人圖

露冷日華紅  
何許悵望雲深

安熙

市莊六首

王結

烏府振弘規鳳閣司姚畫退食休別墅逍遙古樂國

沃若成都桑爛班青門瓜隱顯亮殊途高致惟一家

晨鍾趨朝班日盱遊市莊兩兒帶經鋤奕世流芬芳

若人孔氏徒臺閣揚清風休日植杖耘高揖荷蓑翁

城居匪湫隘桑果連畛畦吾廬有高興何必空山樓

老我縛塵纓山林渺遐想羨君市有莊取魚垂釣掌

過李陵臺

馬伯庸

蹄林聞野祭漢室議門誅辛苦樓蘭將淒涼太史書

方鏡二首

何得之

鑿地作方池背帶千花草萬磨愈不情一照一迴老

十八事舅姑機杼任蓬首照面不照心照心妾不醜

賣花

本丁繼本

風送賣花聲花香撲珠酒買盡檐頭春半是三月接婦

聞鴈

流響迷湘浦餘哀隔隴雲角殘燈外聽鍾定地枕邊聞

春日郊行書與鄧善之別五首

劉聲之

在山水非清出山水非濁泉源但無壅滄海端可學

風急低卷帆潮來直扶柁我舟如我心鷗鳥亦忘我

動心趨蹶間治氣憐不早緩步勿貪高登山良有道

東風吹紙鷲衆目看不眩出處亦兒嬉善收在一線

文鷄照水影五彩何繽紛鳳凰靈且瑞在德不在文

絕句二首

范德機

江上打魚船有頭那無尾與卿相見時不望如魚水

別路西州是延平那向東片帆懷會使祇是怕隨風

宣和墨竹寒雀

盧宿生

洒墨寫琅玕深宮春晝閒蕭條數枝雪不似絃千山

雙鴛圖

戢翼石梁陰秋風日夜深使君莫行野江水蕪人心

畫扇雀竹

啄粟野田暮飛鳴亦求雌誰家江上雨發船歌竹枝

畫雙蝶

舞罷庭花落池邊看睡鳧無端雙蝶飛上繡羅襦

題柯敬仲雜畫十二首

北苑今仍在南宮奈老何青山解浮動端為白雲多

雨過蒼苔石雲生笠岸泉幽懷春舟雜子秀娟

鐵石餘生色冰霜作晚妍春雷明日起何處尚龍眠  
雨過黃陵廟蒼梧雲正愁何時倚虛幌對此滿林秋  
江山秋漠風雨晚蕭蕭千載誰相識唯應待老樵  
昔過寶箴谷鉤衣石角斜擬尋龍作杖拾得上天樞  
黃金千鎖甲瑤玉六簾鈎雨送鴛鴦夢烟籠翡翠愁  
娟娟生玉潤楚楚作金聲羽扇迎風定羊車過月明  
峽口春雲重江南夜雨多水深桃葉渡風急竹枝歌  
蒼涼初出日黃落早知秋不遇采芝客寧知蕪程幽  
明堂要梁棟大匠取脩直鬱屈崖石間秋風動蕭瑟  
平陸蒼龍起近山主遠煙前村三萬頃明日水平田  
小演雅十首 方景山

反哺鳥曰慈食母梟名惡如鳥莫如梟人心當自覺

馬舞睨祿山 猴朝識朱温人豈不若獸變故輒負恩  
鯢鵬奮雲靈 足鷄栖野草物各適其天夫豈論大小  
蜂房開戶牖 蟻穴有官守究竟物皆然夢幻君知否  
小哉蠻觸爭 鄙甚蛙黽怒達人能大觀本以和平故  
瑞世鳳鳴陽 司晨鷄鳴丑嗷嗷取人憎亂蟬合械口  
蠶繭每利人 蛛網偏害物利害莫不同其間僅絲忽  
猿定不窺囚 牛馴常露地伏虎與降龍此理元無二  
解牛中肯綮 相馬外驪黃從知得三昧意到形自忘  
蟻封罅隙地 蛙并咫尺天那能致廣大此道誰為傳  
歷然 書事五首 揭希希

剝落一弊帚 自持掃休菴老隨筋力至此外了非堪 弊帚  
寶著葺櫝中 不用亦持敬願作長生龜相守盡性命 著櫝

吾常佩已久，常弊將若何。縱有未革性，謝章功已多。佩常  
我有一寸硬，能汲萬古泉。無人同此意，閑看水中天。汲古  
舊拙不可悔，新巧吾無能。閉戶深養拙，拙久智自增。養拙

題王山仲所藏瀟湘八景圖卷 揭曼碩

瀟湘夜雨

淅淅暗江樹，荒荒楚天路。穩繫渡頭船，莫放流下去。

遠浦帆歸

冥冥何處來，小樓江上開。長恨風帆色，日日誤郎回。

煙寺晚鍾

朝送山僧去，莫喚山僧歸。相喚復相送，山露濕人衣。

洞庭秋月

顛氣自澄穆，碧波還蕩漾。應有凌風人，吹笛君山上。

平沙落鴈

天寒閉塞後，水落洲渚闊。已逐夕陽低，還向黃蘆沒。

漁村晚照

定從海底出，且向平沙照。漁網未全收，漁舟還下釣。

山市晴嵐

近樹參差出，行人取次多。板橋雙路口，此世幾迴過。

江天暮雪

孤舟三日住，不見有人家。昏昏竹籬處，卻恐是梅花。

古音二首

傳與礪

人言道路遠，直傍天涯去。頭上忽見天，近於江南路。  
牽牛一水隔，織女經年會。咫尺關相聞，何況千山外。

香奩体四首

黃伯錫

與君生別離  
朱簾長不開  
春風故相撩  
燕子雙歸來  
雙、相思鳥  
飛上相思樹  
相思雖不同  
同是相思苦  
昨夜海棠花  
睡足西窗雨  
春夢苦無憑  
知在阿誰處  
下堦拜新月  
空庭夜如水  
相思隔千里  
未有團圓意

友人擬古樂府因題十絕句

黃子肅

早晚臨妝鏡  
秋容怯玉鈿  
君心如日月  
照妾似初年  
采苻歸來午  
花梢日轉廊  
綠陰涼似水  
不用洗紅妝  
生愛東隣女  
蛾眉畫不如  
近來機杼廢  
臨得右軍書  
漫道從軍樂  
風霜只獨居  
三年遼水上  
不得一行書  
海上扶桑景  
清光日見君  
祗愁風雨夜  
西北有浮雲  
今夜中秋月  
含情獨上樓  
辰星三兩點  
偏照玉簾鉤  
自見南樓月  
頌、夢楚州無端  
今夜雨祗作小山秋

露井疎桐晚風亭碧藕  
秋捲簾山月上水宿見雙鷗  
堂上春花老流泉日繞山  
願為雙白鶴雲路載君還  
天子西巡狩彤弓錫廟臣  
樓蘭何日斬看汝盡麒麟

病中三首

薩天錫

風葉高下落秋砧  
遠近聞天涯多病客  
倚杖看孤雲病形如瘦鶴  
照影向清池自有冲宵志  
游魚莫見疑多病東  
聽容深秋出幕遲  
夫容開也未葉上好題詩

過高郵射陽湖二首

飄蕭樹梢風浙瀝  
湖上雨不見打魚人  
菰蒲鴈相語野鶴如人長  
迎風理毛羽獨立秋雨涼  
人來忽飛去

惜別

揚顯民

飲馬月明裏小窓聞洞簫  
夜深人不見竹露滴芭蕉

雲

張士敬

雲似山翁懶今朝懶出山依茅屋角飛去又飛還

題姑蘇李君璋松澗詩卷

程子正

澗鳴和松聲澗光納松影獨立聲影中趣味共淵永

山水圖

古木半留葉青山澹欲無惟應孤艇客仰面臥平湖

雜怨二首

毛靜可

種蓮恨不早得藕常苦遲誰知心事久已各懷思

花開能夜合草發解宜男對花今有恨見草祇應慚

絕句四首

彭炳

磯頭染漁艇林下訪樵牧炯然一白鷗獨有蒲潭綠

獨酌觀溪水溪水清且漪山月忽飛來皎然誰與期

酒醒悅山桂流泉夜彈箏獨上青峯去中天見月明

坦坦黃金道蛾眉症車莫隨雙燕子容易落人家

與茅山李道士同宿石門

陳雲嶠

山空萬籟沉論語對青燈君本無心侶吾真有髮僧

題畫墨梅

吳立夫

北風吹倒人古木化為鐵一花天下春萬里江南雪

畫竹為董文中題

吉雅謨丁

字元德回回人浙東餘都元帥

雨過蛟龍起風生翡翠寒但存青節在日日是平安

將歸武昌題長江萬里圖二首

丁鶴年

長江千萬里何處是儂鄉忽見晴川樹依稀認漢陽

長嘯還江國蓬回別海鄉春潮如有意相送過潯陽

題落花芳草白頭翁畫



草長連朝雨花殘一夜風青春留不住啼殺白頭翁

壽葡萄

江海春雷動群龍悉上天秋來風露冷箇抱珠眠

送友人題丹井韻

葉景南

僊人浴丹井丹去月華孤無復秋風夜雲邊響轆轤

辛卯冬雪裏尋梅二首

寒雲濕不飛江路踏瓊瑤香影無蹤跡羅浮月上初  
逋仙凍欲僵春色惱吟腸遶樹全無影滿身都是香

遊三洞金盆諸峰絕句二十首

長松撐白雲偃寒幾千載而我能幾何松雲鎮長在  
策杖遊洞天石羊臥荒草平起不再逢幾見春風老  
仙翁出洞口笑我兩鬢華塵世累變更翁貌長如花

雲巔老猿吟松下仙犬吠山童不知名嘯入青煙去  
峨峨萬疊山曾閱幾人老我老不少年山老色逾好  
渴斟東澗泉飢煮西山石醒時策短筇醉後橫長笛  
岩巖金華峰蒼松凜高秋仙人坐不成歲月空悠悠  
青山如佳人白雲如游龍佳人節不移游龍去無蹤  
我昔為童兒登高而作賦我今髮如霜青山但如故  
徘徊三洞天拚作十日留何當約安期共為千載遊  
山靈見我來撫掌一笑莞喜我成此遊惟我來何晚  
不為世網縈肯受儒冠誤茲遊快平生併了泉石痼  
大山儼而尊小山婉而秀往來兩山間巖霏濕吟袖  
平生酷愛山嗜好如猿狙行將脫塵俗上與浮雲俱  
久從山中遊頗識山中趣狂吟採松花撼動雲棲樹

已無名利心猶有煙霞疾汲彼千尺清洗此方寸癖  
犬吠人家近鳥啼春晝晴澗草有幽色野花無定名  
恠籐搖蒼烟芳林滴晴雨閑花逞嬌姿咲舞春風裏  
褰衣陟芙蓉挨雲拾瑤草實諸懷袖中食之顏色好  
雲邊學仙子貌古懸方瞳閑揮白玉麈笑坐青石峰

曉窓禽語二首

紙帳夢初醒山窓月上明宿雲離石去幽鳥話新晴  
殘月滿山阿長松弄清影幽禽啼數聲吟窓人睡醒

題石羊二首

二仙牧羣羝食盡丹田草化石幾何秋牧羊人未老  
山邊牧羊者誰得似初平羊化人俱往年草自榮

秋日飲友代東二首

烏帽風前落黃花雨後香淵明三徑裏明日共壺觴  
詩骨秋來瘦山花日暮香殷勤一樽酒相與慰荒涼

踈齋晚步

睡足白雲窩行吟青草坡夕輝流月屐空翠濕煙蓑  
睡起即事二首

草軟和煙綠桃夭過雨紅殷勤花外鳥聲度隔窓風  
睡起小窓西庭空春晝遲鳥啼煙雨徑花落晚風枝

文翰類選大成卷第七十七五言絕句目錄  
國朝

劉伯溫計三 高啓 七首 楊基 一首 管訥 九首

劉渙 五首 吳琳 一首 陶凱 一首 周湏 一首

熊鼎 一首 牛諒 一首 吳雲 三首 劉崧 一首

楊士奇 六首 吳溥 六首 周述 五首 張徹 一首

錢復亨 四首 胡奎 二首 董玘 三首 金鉉 一首


王恭 六首 趙迪 十首 蘇平 九首 藍靜之 五首

李時勉 八首 張一民 一首 劉績 九首

鄭嘉 一首 王誼 一首 錢遜 一首 孫昭 一首

萬節 九首 劉師邵 一首 張楷 七首 周昂 二首

文翰類選大成卷第七十五言絕句目錄



文翰類選大成卷第七十七

左長史上海李伯璵編輯

伴 讀慈谿馮厚校正

詩類 五言絕句

國朝

秋思

劉伯溫

梧桐生碧砌密葉暗金井  
露心昨夜月照見棲禽影

閨情六首

戎馬關山隔空圍鬢髮華  
髮何寄消息江樹總無華  
昨夜三更夢分明見所思  
思元來驚枕席心迹兩相疑  
塞鴈南還北江潮西漫東  
生人不可見霜雪萬山空  
剔却燈花盡從教污翠鈿  
迴虛報喜誤妾不成眠

小小雛渠鳥雙入畫樓  
中人怨別愛爾不知愁  
欲寄音書去書成之便  
却持書上樓望淚洒鷓鴣

長門怨

白露下玉除風清月如練  
坐看池上螢飛入昭陽殿

拔蒲三首

拔蒲清川渚水淺蒲不長  
自非排風羽莫羨凌雲翔  
拔蒲江水湄終日不盈把  
媼殺紫鴛鴦雙戲蒲葉下  
拔蒲復拔蒲織作波紋篋  
無處寄相思秋風露蓮淡

歲晏

歲晏悲風急空江白晝陰  
黃蘆與紅蓼無處不傷心

題小畫

庭前綠荷葉香氣濃於酒  
疎雨忽飛來的皪明珠走

團扇

高啓

團扇圓且潔人言似明月  
明月豈得如長圓不曾缺

尋胡隱君

渡水復渡水看花還看花  
春風江上路不覺到君家

歎墻下草

青青墻下草經霜未枯槁  
雖是見春遲還免逢秋早

赴京道中逢還鄉友

我去君却歸相逢立途次  
欲寄故鄉言先詢上京事

卧雲室

夕卧白雲合朝起白雲開  
惟有心長在不隨雲去來

吐月峰

四更棲鳥驚山白初上月  
起開東閣看正在雲峰缺

和陳左司夜泊桐江

月出釣臺樹長灘秋更喧浦如宿巫峽唯少一聲猿

聞鴈

楊基

天寒霜月苦人遠秋衣綻獨坐聽長更燈前一聲鴈

畫菜

管訥

白白霜根嫩青青兩甲鮮蒼石生無此色四海正豐年

重九呈兄勉翁

千里同為客驚心節序催空心思故園菊今日為誰開

初度日復呈兄勉翁三首

客裏逢初度艱難老弟兄一杯稱壽酒多少故鄉情  
勸酒重持杯杯深喜不辭願將今日意同保百年期  
黃花開未了綠酒釀來新白能歡聚吾鄉有幾人

江行三首

晚過三江口江空水急流船頭燈火起尺尺是黃州

野色含江薄沙痕帶水長東風無白浪容易下蘄陽

野樹微茫裏江流浩蕩間舵樓烟雨重不見九華山

送樂長蔣法宏母憂南還

昨日鄉書至萱花悴北堂東風兩行泪逆水到清湘

初夏即事

鎬煥

野色滿庭云晝涼清景佳一雙白練帶飛上石榴花

偶成二首

雪色西蕃馬臨流顧影嘶似嫌金絡重蹴碎落花泥  
舞女花前過輕如小燕飛教坊新結束翠羽織春衣

春日漫興二首

莫道梨花瘦楊花更可憐隨風消雨恨捲在客窓前  
風顛溪水急小艇刺不住回顧語阿童休持釣竿去

烟波亭

吳琳

漢水連天闊江雲護曉寒青山數點最好倚闌看

閨情

陶凱

妾住金陵步郎上西江船光陰似流水安得長少年

寫江岫春晴圖

周頊

汀洲碧草生鳧鴈動春聲莫上高亭望能傷送別情

題江岫圖

熊鼎

雪渚水初生寒雲落鴈聲片帆天共遠南望總關情

紅梅

牛諒

隴頭人未來江南春幾許惆悵玉簫聲吹落胭脂雨

題周伯寧江山送別圖

吳雲

江山天共遠無限別離人去長亭在空餘落鴈聲

秋夜二首

中秋不見月相思情未絕倦對讀書燈風來自吹滅

寒光滿天上明月在冰中照我雙塘蓮葉生秋風

昭君

劉崧

承詔辭金闕嗟悲入塞城可憐沙上月渾似漢宮明

古意答伯陽

楊士奇

河洲雙鴛鴦流蕩還相逐皎皎白楊花風吹不相續

吳教授席上同伯陽汲井詠

皎潔如明鏡銅餅下愈深粧成不照影應恐墜金簪

夾溝遇邑人問家信

問道故鄉來辭家今遠近恐有南京書傳舟試相問

居唐關彈琴峽

峽石記彈琴冷々流水音不知行路者誰有聽琴心

贈筇竹

愛尔生正直杖尔扶衰老道路有險夷出入常相保

代筇竹

正直余何有道義卿所持但自保堅固無論險與夷

白髮

吳溥

鬢髮今全白應無再黑時晴牕縮新沐拾得幾莖絲

自嘆二首

一榻寒如水蕭然坐夜深衰顏無藥駐病骨怕寒侵  
去鄉三十年顏貌惚非昔昨日鄉人來人々不相識

遠樹二重暗江聲日

只哀鍾山山下路不見汝重來

問菊

正是開花日如何尚未開叮嚀戒童子日々寫詩催

代菊荅

固作一榮枯自有時正須看晚節慎勿訝開遲

舟中偶成二首

周述

野曠天無際舟行日欲斜浦林黃葉落不省是誰家  
天際雲山出沙邊鴻鴈鳴鄉心秋更切何處搗衣聲

夜宿新橋一首

明月滿金波夜深寒氣多孤舟津不寐何處檣聲過  
十月猶為客寸心誰最親閨中如見月應憶遠行人



新月

新月見纖、含羞而下簾、猶疑我白髮、近來添

竹

張徹

亭、立雙玉、高人青雲中、一夕雷雨作、騰空飛兩龍

西陵偶興二首

錢復亨

縛屋半山中、雲深路不通、老僧能結伴、心與白雲同

當日看花坐、無錢酒亦賒、即今悲老大、對酒怕看花

村居

村居地幽寂、往來人事寡、屋後多好山、門前少車馬

經舊歌臺

窳窳舊歌臺、喜春花冷淡、開可憐、人不見、只有燕飛來

江邊柳

胡奎

朝送木蘭船、暮迎征馬鞭、非關離別苦、生長在江邊

關山月

萬里關山月、東西共一天、遙憐馬上見、不是在家圓

題鴈

章珵

春日江南少、秋風塞北無、漢王乘物候、於此結匈奴

詠龍

孔明歸蜀主、傳說作商臣、不是池中物、安能久屈身

昭君

人皆媚子都、我獨漢息孤、強拭琵琶泪、羶房事羯胡

咏竹林七賢

金鉉

深竹晴烟暝、羣公樂事繁、其誰在典午、今日負殊恩

送劉逸人還中山

王恭

落日鷓鴣鳴  
遙林獨送行  
峰回看不見  
望望有餘情

聞漁笛

漁人將瑟竹  
吹向月明中  
莫唱梁州曲  
金河有斷鴻

聽猿

十年聞笛恨  
此夕更沾襟  
別淚三聲下  
孤愁一夜深

鷓鴣

綠樹殘春外  
雙飛錦翼齊  
長沙有遷客  
莫向雨中啼

草色

拂拂度林垆  
霏霏上野亭  
主孫歸未得  
空向雨中青

宿鳥

深林織月上  
嘖嘖獨棲時  
夜半山風急  
驚鳥飛過枝

盤石聞鐘

趙迪

盤石有閑雲  
氤氳結林莽  
倏忽因風吹  
恍作林間雨

閑庭塔影

虛庭夕照來  
高標掛寒影  
默々晤空言  
落木秋襟冷

虛室絃聲

空齋寂無人  
絲桐奏流水  
飛絮落寒潭  
靜逐浮雲起

書鄭公啓畫扇

幽人愛青山  
結屋空林裏  
夜深夢白雲  
明月在溪水

賦得秋江漁唱

漁舟晚唱來  
聲度蘆花影  
月落曲未終  
江空釣綫冷

遠嶼堆藍

微茫江上峰  
青々雨中積  
幽人興無窮  
閉門對秋色

螺渚春雲

暝作秋前雨，輕隨江上風。朝來凝望久，螺女素衣同。

梅竹

湘水秋雲暝，孤山曉雪寒。昔人多逸興，寫入畫圖看。

天鵝

飲啄渚田中，棲薄蒹葭畔。不與鳧雁同，飛鳴在雲漢。

鷓鴣

朝浴湖水濱，暮宿菰蒲裏。偶值盪舟人，雙雙復飛起。

琴月

蘇平

獨抱龍門桐，清商中夜發。萬古無鍾期，知心有明月。

茶煙

滄茗起孤煙，蒼茫翳庭樹。亂逐落花風，松陰鶴飛去。

詩囊

得句投錦囊，誰云嘔心血。落載珠璣盈，貯風月。

酒瓢

酌酒同死生，寧為許由棄。寄語獨醒人，何妨共沉醉。

長劍

古鐵含蒼精，床頭作龍吼。可激烈士心，難容佞臣首。

短檠

焚膏對遺經，終夜耿不寐。有意燭逃亡，何心照珠翠。

布被

布素誠自溫，青綾豈云雅。飾許惡公孫，清貞尚司馬。

紙帳

碎搗剡溪霜，床懸白雲影。夜半詩夢醒，寧愁蠶箔冷。

題蘭

涼葉吹惠風芳叢浥清露深公不逢人幽香暗中度

題車老人墨竹

藍靜之

秋色暎琅玕青共歲寒過沅山月白留影見樓鸞

題垂綸意

雲樹遠重川平夕有風買魚呼不應船過釣臺東

題樵隱圖

野橋橫澗淺茅屋傍林微隱者無尋處春山伐木歸

墨菊

晚節黃金盡霜枝淡墨新東籬日昏黑不見白衣人

桃花鸞雀

花鳥最娛人良工筆更真覆樽無限思長占一枝春

淵明把菊圖為居生題

誼題

王逢

解官賦歸田把菊秋風前顧問劉寄奴何如傅延年

征婦怨三首

李時勉

前年征塞北今歲戍邊西幾度口歸信空驚鳥鵲啼

獨夜登樓望如聞笳吹聲月明沙塞遠何處是君營

庭前相送處綠樹葉皆飛惜問七用來鴈秋深夫可歸

商婦怨二首

百歲以相期安知有別離去時光在腹今已長過眉

憶昔結髮時兩鬢黑如漆但恐一石歸來白頭不相識

雜詩

麋鹿食田穀日向田中聚飽來山下眠豈念耕者苦

題畫竹

翠羽隱遙堤脩拂澗霓狂風吹莫折留待鳳凰栖

題菜

名園初雨過嘉蔬寒色新惟應清淡者可以長相親

留別鏡湖諸友

張一民

未別先已懷別後當如何留將三五字情至即高歌

竹西渡

鎰績

渡口秋水深芙蓉尚堪采聞郎竹西去倚着蘭舟待

石家池

暮行石池上水淺蒲芽長不見池上人白漚自來往

四波亭

幽亭當水中四面芙蓉發夜涼人未眠掬水弄秋月

草阜坳

東坳春草長西坳白日晚獨有坳中兒牧牛知近遠

為北郭悼亡二首

獨坐思芳晨鶯花冷咲春自從粧閣閉誰拂鏡臺塵  
耳畔聲猶在生前夢已殘梨花今夜月憶着並床看

即事

十五學樗蒲非盧道是盧媚人教勿語密地與青蚨

送蕭山五舉子赴秋闈

同學又同鄉秋來一種忙從今五枝桂不屬實家郎

自題詩本

幼小工刺繡極知箴綫難祇緣花樣古不耐入時看

青山白雲圖

鄭嘉

雲去空山青雲在空山白白雲只在山長伴山中客

婕妤怨

王誼

玉簫夜涼新秋蛾暗裏頓如何天上月獨照掌中人

閨思

錢遜

望斷傷春眼湘簾懶上鈎落花深院靜鸚鵡對人愁

雙乳犬

孫昭

毛色嫩茸金鈴振綵絨未諳迎客吠雙睡藥闌東

偶成

萬節

夢回憶雙親起坐候天曉但得平安書何拘字多少

為許良醫題小景四首

山翠滴空濛人家蘿薜中宛然杜陵宅不辨瀼西東  
樹色兼山色嵐光接水光何因謝簪紱伴尔濯滄浪  
淡月半黃昏晴梅弄竦影紙帳掩輕寒羅浮夢初醒  
暮雪積長林溪山泐何處群雀噪無聲迴翔不能去

四時小景四首

白頭雙玳禽當晝弄清影欲識春風還海棠睡初醒  
好鳥金作衣好花玉作藥嘆息鳥与花圖中見雙羨  
山空桂花發頗覺涼声早鸚鵡忽驚秋不知秋已老  
積雪照寒晴鰲梅吐奇萼野鳥立枝頭雙欣有托

石

鐘師邵

光潤欲生雲苔花剝翠紋夜寒霜月白應怯李將軍

瓜

小園朝日晞采露沾衣莫作黃臺植迎秋抱蔓歸

折枝梅

折取江南花欲寄江北去路遠不逢人馨香手中故

早發韶州渡河

以下七首俱和唐音

張楷

駘車臨廣坂策馬渡河橋共是功名客閑雲莫見招

昭君怨

掩淚辭群馬含悲想六龍空持舊時鏡不照舊時容

白石灘

灘水清且深白沙細盈把應有濯纓人扁舟時上下

山中寄諸弟

久別鴈鴻侶還隨麋鹿群山深不可見日暮只看雲

雜詩

家書來故鄉一、心中事欲擬附回音孤舟晚開未

送張起崔載華之閩中

心同休怨別身在莫憂貧且盡盃中酒江南少故人

田家

鴉鳴夕陽樹鷺下秋田雨田家無四隣遠籬種禾黍

春江小景

周鼎

春江綠於染曉樹薄籠烟人在紅樓裏凭闌看釣船

睡虎

百獸不敢近獨臥南山春不知清夢裏曾見寢皮人

文翰類選大成卷七十七

文翰類選大成卷第七十八六言絕句目錄

晉

陸士衡一首

唐

王摩詰五首 皇甫茂政三首 張懿孫一首

劉文房五首

顧逋翁一首 王仲初四首 李景伯一首

韋應物二首

宋

王介甫三首 蘇子瞻二首 文與可三首

黃魯直計二

張文潛一首 秦少游一首 李行晦四首

元

趙子昂四首 虞伯生二首 揭曼碩一首 陳雲璣一首

葉景南十首 張光弼一首 李繼本一首



國朝

劉基

三首 高啓 二首 謝應芳 二首

張宜中 四首

王文靜

二首 王恭 七首 胡儼 六首

林真 二首

趙迪

三首 李仲訓 四首 藍靜之 三首

管訥 四首

黃淮

三首 晏鐸 二首 錢復亨 二首

張楷 八首

萬節

六首

文翰類選大成卷第七十八 六言絕句目錄

文翰類選大成卷第七十八

左長史上海李伯輿編輯

伴 讀慈谿馮 厚校正

詩類六言絕句

晉

飲酒樂

陸士衡

蒲萄四時芳醇 瑠璃千鍾 舊賓夜飲 舞罷銷燭 朝醒弦促 催人

唐

田園樂五首

王摩詰

采菱渡頭風急 策杖村西日斜 杏樹壇邊漁父 桃花源裏人家  
菱子春草秋綠 落長松夏寒牛羊 自歸村巷 童稚不識衣冠  
山下孤烟遠村 天邊獨樹高原 一瓢顏回陋巷 五柳先生對門

桃紅復含宿雨柳綠更帶朝烟花落家僮未掃鳥啼山客猶眠  
酌酒會臨泉石抱琴好倚長松南園露葵朝折西舍黃梁夜春

問李二司直

皇甫茂政

門外水流何處天邊柳遶誰家山絕東西多少朝幾度雲濛

送鄭二之茅山

水流絕澗終日草長深山暮春吠犬鳴鷄幾處條桑種杏何人

無題

江上年春草津頭日人行借問山陰遠近猶聞薄暮鐘聲

奉寄皇甫冉

張懿孫

京口情人別久揚州估客來踈潮至潯陽回去相思何處通書

尋張逸人山居

劉文房

危石纔通鳥道空山更有入人家桃源定在深處澗水浮來落花

發越州赴潤州使院留別鮑侍御

對水看山別離孤舟日暮行遲江北江南春草獨向金陵去時

送陸禮還吳中

永步寒潮送客揚柳暮雨沾衣故山南望何處秋草連天獨歸

茗谿酬梁耿別後見寄二首

清川永路何極落日孤舟解攜鳥向平蕪遠近人隨流水東西

白雲千里萬里明月前溪後溪惆悵長沙謫江潭芳草萋萋

歸山

顧逋翁

心事數莖白髮生涯一片青山空山有雪相待古道無人獨還

宮中三臺二首

王仲初

魚藻池邊射鴨芙蓉園裏看花日色柘袍相似不著紅鸞扇渡

池北池南草綠殿前殿後花紅天子千年萬歲未央明月清風

江南三臺二首

青草湖邊草色飛，猿嶺上猿聲萬里三。湘客到有風有雨人行，樹頭花落花開道上人去人來朝愁暮愁即老百年幾度三臺。

回波樂

李景伯

回波爾時酒卮微，臣職在箴規侍宴既過三爵，誼譁竊恐非儀。

三臺二首

韋應物

一年一年老去明日後日花開未報長安平定萬國豈得嗚呼，冰泮寒塘始綠雨餘百草皆生朝來門閣無事晚高齋有情。

宋

題舒州山谷寺石牛洞

王介甫

水泠泠而北出山靡靡以旁圍欲窮源而不得竟悵望以空歸。

題西太一宮壁二首

柳葉鳴蜩綠暗荷花落日紅酣三十六陂春水白頭想見江南二十年前此地父兄持我東西今日重來白首欲尋舊迹都迷。

次荆公題西太一宮壁二首

蘇子瞻

秋早川原淨麗雨餘風日清酣從此歸耕劔外何人送我池南但有樽中若下何須墓上征西聞道烏衣巷口而今烟草萋迷。

獨坐

文與可

不報門前賓客已收案上文書獨坐水邊林下苑如故里閑居。

相如

相如何必稱病靖節奚須去官就下其誰不許如愚是處皆安。

鷺鷥

避雨竹間點，迎風柳下翩。靜依寒蓼如畫獨立晴沙可憐。

題山谷石牛洞

黃魯直

司命無心播物祖師有記傳衣白雲橫而不度高鳥倦而猶飛  
有懷半山老人再次韻二首

短世一風驚雨過成功夢迷酒酣草玄不妨準易論詩終近周南  
啜羹不如放麇樂羊終愧巴西欲問老翁歸處帝鄉無路雲迷

題鄭防畫夾三首

子母孫啼榭葉山南山北危機世故誰能樗里穀中皆是由基  
惠崇烟雨歸鴈坐我瀟湘洞庭欲喚扁舟歸去故人言是丹青  
折葦獨荷共晚紅榴苦竹同時睡鴨不知飄雪寒雀四顧風枝

蟻蝶圖

蝴蝶交飛得意偶然畢命網羅群蟻爭收墜翼策動歸去南柯

有惠江南帳中香者戲作

螺甲割崑崙耳香材屑鴉鷓斑欲雨鳴鳩日來下帷睡鴨

子瞻繼和復荅

迎燕溼風旋三潤花小雨斑三一炷烟中得意九衢塵裏偷閑

和高子勉

句法俊逸清新詞源廣大精神建安數六七子開元纔兩三人

次荆公題西太一宮壁二首

風急啼鳥未了雨來戰蟻方酣真是真非安在人間北看成南  
晚風池蓮香度曉日宮槐影西白下長干夢到青門紫曲塵迷

登山望海

張文潛

鳥去蒼烟古木人歸綠野孤舟信義雖非吾土消憂且復登樓

寧浦書事

秦少游

揮汗讀書不已人皆怪我何求我豈更求聞達日長聊以銷憂

鉛山立春二首

朱晦

雪擁山腰洞口春回楚尾吳頭欲問閩天何處明朝嶺水南流  
行盡風林雪徑依然水館山村却是春風有脚今朝先到柴門

觀劉氏山館壁間所畫冬有深趣因為一絕

絕壑雲浮井、層巖日隱重、釋子巖中宴坐行人雪裡迷蹤  
觀祝孝友畫卷為賦一絕

春曉雲山烟樹炎天雨壑風林江閣月臨靜夜溪橋雪擁寒襟

元

題孤山放鶴圖二首

趙子昂

清且漣漪扁舟時蕩晴暉處、青山獨往翻、白鶴迎歸  
曾到孤山蒼藤古木高寒想見先生風致圖畫留與人看

黃清夫秋江釣月圖

染人衣袂烟波着我舡窓為問行歌都市何如釣月秋江

題王子應所藏大年墨鴈

鴻鴈栖、遵渚黃蘆索、鳴秋羨殺承平公子筆端萬里滄洲

題江山烟雨圖

虞伯生

千村春水方生萬里歸帆如羽不知誰在層樓卧看江南烟雨

題聶空山翁

客來山雨鳴澗客去山翁醉眠花外春雲鷓、竹邊秋月娟娟

過何得之先生故居五首

揭曼碩

可憐古井門外依舊鍾樓屋西何處高吟痛飲黃花翠竹都迷  
心事巢由以上文章陶阮之間千古高墳保下白雲明月青山  
軋、機聲日暮依、揚柳春柔膝下中郎小女曾聽唱我高郵  
頭上烏紗分贈篋中縞楮相酬不道別時長別誰知愁是真愁  
屋上青天未老門前白日常新他日暮變稷禹安知不是斯人

焦山題塔

陳雲嶠

樹老雲間鳥宿洞深月落潮迴此時此興不淺何日何年再來

秋暮田園雜興

葉景南

濁酒滿斟白道柴門雖設常關與老為期白髮相看無厭青山

春郊即景

微雨弄晴天氣輕寒釀暖時光柳外涼颺滿袖花邊香露沾裳

沙溪清隱

繞屋一灣水綠迎軒數朵峰青沙路鷗盟新定雲松鶴夢初醒

幽居即事

騎牛過白雲嶺放鶴出翠松關樵唱偶歌一曲清聲直度千山

九日寄興三首

故侶無心送酒老翁有意留題舊日龍山佳會如今風雨淒淒

白髮淒涼舊里黃花冷落東籬西望夕陽歸路澹烟衰草堪悲

黃菊香殘夜雨烏紗醉落秋風回首十年舊事亂雲流水西東

月夜梅邊即事

香裊寒雲滿溪月明津渡人迷夢入江南舊路夕陽流水橋西

送阮師真之宣城

江東日暮雲間故亭千古高寒若見謝公傳語沈郎依舊衣寬

與故人序別

六尺形驅消瘦十年故舊西東試問市橋官柳近來幾度春風

題青山白雲

張光弼

一箇菴廬何處小橋古木溪灣但見山青雲白不知天上人間

菊蹊

李繼本

荒徑雨苔未掃蝶籬霜蓋先開綠酒從人放飲白衣為我携來

國朝

題山水小畫二首

劉基

鄂渚輕舟未發瀟湘倦客多愁可恨一江春水無情日夜東流  
碧草桃源路斷紫芝商領雲深高樹月明啼鳩一聲一度傷心

題畫竹

葉間重露猶滴林表寒烟未開想見沅湘江上月明環佩歸來

楊氏山莊

高啓

斜陽流水幾里啼鳥空林一家客去詩題柿葉僧來供煮藤花

陶秘書廣陵送別圖

暮雨潮生瓜步春山樹繞蕪城惆悵離舟欲發江南烟寺鐘聲

題画

謝應芳

老樹骨立偃蹇秋山氣勢崔嵬閑却一江風月扁舟罷釣歸來

簡錢士遠

一榻青苔對雪五湖春水流漸欲遣長須覓酒聊將短札題詩

春景

張宜中 左長史

林花紅濕宮錦堆草綠碾香輪半世千場是醉百年幾度逢春

夏景

翠竹初含新粉綠荷更貼青錢鶯啼落花三徑客撫薰風五絃

秋景

紅樹家邊野水黃蘆岬上秋聲宋玉當年難賦歐公此夜多情

冬景

臘雪初消野樹梅花開遍溪橋金帳何人酒美梁園詞客風騷

題梅竹

王文靜

香冷尤宜雪後花疎甚覺春遲月下瑤釵影動閑吹碧玉參差

題墨竹

蕭々晚色秋容媚々烟梢雨叢樵子歸來林曲澗泉流下坡東

題畫

王恭

白首支離傲世青山獨坐忘言長嘯一聲何處斷雲流水僊源

畫扇面

茅屋垂蘿野烟青山獨樹涼蟬白首豈能忘世桐江未勝滋泉

題水墨小景四首

小艇水雲礮口孤琴蘿月山陰郢曲向來誰和林泉尚有知音

出岫雲非有意忘機鳥亦知歸莫話城中舊事與君同是荷衣

白鷗門外孤艇黃葉山中一瓢惆悵青雲舊侶相思不到漁樵

絕頂閑雲翠微孤琴野杖荆扉惆悵同聲到遠青山斜日行歸

墨竹

秋影半枝金蕊上沁涼露何多誰把玉簫吹斷湘江一夜寒波

三臺二首

胡儼

一陣霜風乍起半窻月影初斜寶匣燒殘香篆銀缸落盡燈花

坐穩錦茵重疊醉來烏帽欹斜誰遣青娥闋月自憐銀燭生花

題夏尚書金碧山水圖四首

碧嶂丹崖春色絳桃綠樹人家逕轉時逢樵牧雨晴初見菜麻

綠樹平林遠近落紅流水西東幾處雞鳴烟外數声犬吠雲中

何人策蹇獨往有客抱琴共還一葉扁舟溪上百年古屋林間

茶竈筆床棋局白沙翠竹漁梁一似輞川別墅還如綠野華堂

題松下鼓琴小景

林真

松下風來淡々溪頭水響潺々一曲陽春白雪偷將半日清閒

題曉隴耕雲小景



山倚青空重疊樹連蒼靄縱橫小笠輕策雨裏何人驅犢春耕  
賦得淘江晚渡 趙迪

寒江欲暮楓落漁梁爭渡人遙杳暝帆何處青芳草歸湖  
春潮帶雨二首

楊柳風含曉雨桃花水漲春江暝色凝烟滿棹寒聲敲雁幾雙  
魚浪紅吹花片燕泥香拂船窗夜泊蒲荷深處孤蓬一點銀缸

西臯四首

李仲訓

流水小橋楊柳短墻深巷桃花魚子晴生墨沼鶯聲暖囀窻紗  
綠樹屯雲不散紅渠沐雨齊開問字鄰人時至抱琴佳客重  
酒熟黃鷄肥候月圓丹桂香時誰道先生無事半醒半醉題  
霜徑紫苔還掃雪林紅葉已稀昨夜南枝花發家童報道春

題青山白雲圖

藍靜之

苑屋何人共住石竹似我曾遊白雲只在半嶺青山誰到

題南山秋色

南山一片秋色老了半間白雲他日歌中酒熟竹林風月平分

題魏宰

山上層層僧舍樹間短了苑簷他日官閑無事杖藜添箇陶潛

墨蘭二首

管訥

青草三閭亭下蒼梧二女祠前欲采幽芳寄遠月明秋水娟娟  
楚畹光風曉泛湘浦半泣露秋零我欲紉之為佩幽懷挹此芳馨

題墨梅送友人

黃鶴樓中玉笛看化吹徹春聲一別故人何處江南月落參橫

應山道中

標木千株葉落梅化一樹香來從騎休吹羌管山中野鶴驚鶩

題山水

黃淮

楊柳千林晴日美，萬疊鷗波借問吟翁漁子，何人得趣偏多。

題雜畫

野水風翻翠轂春，山烟染青螺釣艇歸來何處，薄暮時聞棹歌。

題枯木竹石

清逼枝間翡翠光，浮石上珊瑚三徑涼，風蕭颯半簾烟雨模糊。

九峯山行二首

晏鐸

三徑重開書屋九峰，舊隱人家欲辨武陵春色，溪流泛出桃花曲徑沿流上下蒼苔白石磷，落日惟聞啼鳥空山更少行人。

送黃太守二首

錢復亨

青山一盃別酒白髮數首新詩，五馬相公行處千家燕子來時，江北江雨春半山後山前暮晴芳草渡頭客散桃花馬上人。

田園樂五首

以下八首俱和唐音

張楷

綠楊樹頭山近碧草門前徑斜閉戶不干心慮杖藜時到柴門有雀時到松迳無風自寒守分常甘農業逃名不著儒孤棹斜陽水村一犁暮雨平原藤花靡，冷地桑葉陰，閉門清明處，飛雨寒食家，禁烟滿地桑陰獨步半窻花影高眠遠砌一灣流水當門數箇長松烟中漁艇初出雨裏人家夜春

送鄭二之茅山

芳草堤邊渡水百花原上逢春在世誰非迴客入山方是閑人

尋張逸人山居

綠溪五里十里隔水三家四家借問先生何處柴門流水桃花

發越州赴潤州使院留別鮑侍御

傷心異域分離立馬留連去遲後會定期何日江南芳草青時

題夏景小畫

萬節

垂柳陰中白晝浮嵐影裏青山半榻是誰  
孤坐等閑名利無關

題山水小景

幽樹半含晴靄遠山平挹朝嵐苑屋人家  
何處風烟彷彿江南

遠浦歸帆

極浦滄波杳渺遙山翠靄微茫落日孤帆  
何處平沙幾曲潯陽

平沙落鴈

風色烟沙白晝霜威野樹清秋塞鴈幾行  
天際夕陽遙映汀洲

山寺晚鐘

薄暮泉聲碧澗殘陽林影孤村遙見山僧  
歸處疎鐘幾點黃昏

漁村夕照

兩漁艇重門樹底人家夕照平蒞  
遠近小橋流水橫斜

三  
日  
早  
開

